

隋代墓志銘彙考

王其禕 周曉薇 編著

綫裝書局

隋代墓志銘彙考

4

編著
助理
顧問

王其禕
王慶衛
毛漢光

周曉薇
樊波
耿慧玲

江苏工业学院图书馆
藏书章

綫裝書局

目次

三〇一	劉猛進誌(大業五年十一月三日)……………	一
三〇二	呂胡暨妻李氏誌(大業五年十一月十日)……………	一二
三〇三	衙聞誌(大業五年十一月二十一日)……………	一七
三〇四	宮人劉氏誌(大業六年正月八日)……………	二一
三〇五	解盛妻張字誌(大業六年正月十一日)……………	二四
三〇六	李椿妻劉琬華誌(大業六年正月二十日)……………	二七
三〇七	李世舉暨妻盧氏邢氏崔氏誌(大業六年正月二十日)……………	三二
三〇八	劉士安誌(大業六年正月二十二日)……………	三五
三〇九	史射勿誌(大業六年正月二十二日)……………	三八
三一〇	王伏生誌(大業六年正月二十五日)……………	四二
三一一	□禮暨妻司馬氏誌(大業六年正月)……………	四五
三一二	范高暨妻蘇氏誌(大業六年四月十七日)……………	四八
三一三	張喬誌(大業六年四月十八日)……………	五三
三一四	王遜誌(大業六年五月十三日)……………	五六
三一五	張芳誌(大業六年七月十四日)……………	五九

三二六	韋圓照妻楊靜徽誌(大業六年七月二十三日)	六二
三二七	姬威誌(大業六年七月二十三日)	六六
三二八	韋君妻元咳女誌(大業六年七月二十三日)	七二
三二九	羊瑋誌(大業六年九月十五日)	七四
三三〇	宮人程氏誌(大業六年九月二十四日)	八〇
三三一	宮人馮氏誌(大業六年九月二十六日)	八三
三三二	楊秀誌(大業六年十月八日)	八六
三三三	董穆誌(大業六年十一月三日)	九一
三三四	□墮暨妻趙氏誌(大業六年十一月十四日)	九五
三三五	劉神妻張令誌(大業六年十一月二十七日)	九九
三三六	解方保誌(大業六年十一月二十七日)	一〇一
三三七	梁瓌誌(大業六年十一月二十九日)	一〇六
三三八	薛保興誌(大業六年閏十一月一日)	一一一
三三九	閻靜誌(大業六年閏十一月十日)	一一五
三三〇	宮人賈氏誌(大業六年閏十一月十九日)	一一八
三三一	段摸誌(大業六年十二月五日)	一二一
三三二	賈珉誌(大業六年十二月十四日)	一二五
三三三	宮人朱氏誌(大業六年十二月二十日)	一二八
三三四	甄元希誌(大業六年)	一三一
三三五	宮人郭氏誌(大業七年正月二十三日)	一三三

三三六	劉則誌(大業七年四月六日)·····	一三六
三三七	斛斯樞誌(大業七年四月二十一日)·····	一四三
三三八	宮人陳氏誌(大業七年四月二十九日)·····	一四六
三三九	宮人李氏誌(大業七年五月二十二日)·····	一四九
三四〇	姚辯誌(大業七年十月二十一日)·····	一五二
三四一	元鍾誌(大業七年十月二十一日)·····	一六七
三四二	張濤妻禮氏誌(大業七年十一月三日)·····	一七二
三四三	鄭謩誌(大業七年十一月二十一日)·····	一七六
三四四	王香仁誌(大業七年十一月二十八日)·····	一八一
三四五	□睦誌(大業七年十二月九日)·····	一八五
三四六	田德元誌(大業七年十二月二十二日)·····	一八八
三四七	宮人魏氏誌(大業七年十二月二十二日)·····	一九三
三四八	郭達暨妻侯氏誌(大業八年正月五日)·····	一九六
三四九	劉德誌(大業八年正月九日)·····	二〇一
三五〇	李肅誌(大業八年二月十一日)·····	二〇五
三五一	孟孝敏妻劉氏誌(大業八年二月二十二日)·····	二〇七
三五二	尉仁弘誌(大業八年二月二十二日)·····	二一〇
三五三	宮人何氏誌(大業八年二月二十二日)·····	二一二
三五四	盧昌寓誌(大業八年二月二十二日)·····	二一五
三五五	宮人陳氏誌(大業八年三月三日)·····	二一八

三五六	徐智竦誌(大業八年三月二十一日)	一二二一
三五七	劉賓暨妻王氏誌(大業八年五月三十日)	一二一九
三五八	扈士濬妻焦氏誌(大業八年六月四日)	一二三二
三五九	宮人韋氏誌(大業八年六月十六日)	一二三三
三六〇	宮人沈氏誌(大業八年七月一日)	一二三六
三六一	宮人蕭氏誌(大業八年七月二十五日)	一二三九
三六二	蕭瑒誌(大業八年八月十三日)	一二四二
三六三	裴逸誌(大業八年八月二十五日)	一二四八
三六四	高瓘誌(大業八年八月二十五日)	一二五一
三六五	田光山妻李氏誌(大業八年十月十四日)	一二五四
三六六	韓暨暨妻王氏誌(大業八年十月十五日)	一二五八
三六七	張娥英誌(大業八年十月二十一日)	一二六四
三六八	孔神通誌(大業八年十一月八日)	一二六八
三六九	麻君妻龐畏孌誌(大業八年十一月九日)	一二七四
三七〇	王君妻成公氏誌(大業八年十一月二十六日)	一二七八
三七一	張伏敬誌(大業八年十二月二十七日)	一二八二
三七二	宮人陳氏誌(大業九年正月十六日)	一二八五
三七三	陳叔榮誌(大業九年正月二十一日)	一二八八
三七四	蕭球誌(大業九年二月十六日)	一二九二
三七五	□大誌(大業九年二月十六日)	一二九六

三七六	張囧妻蘇恆誌(大業九年二月十七日).....	二九八
三七七	姜明誌(大業九年二月二十八日).....	三〇三
三七八	張業暨妻路氏誌(大業九年二月二十八日).....	三〇七
三七九	皇甫深誌(大業九年二月二十八日).....	三一二
三八〇	張盈誌(大業九年三月十日).....	三一七
三八一	張盈妻蕭饒性誌(大業九年三月十日).....	三二三
三八二	楊矩暨妻鄭氏誌(大業九年三月十日).....	三二八
三八三	楊文思誌(大業九年三月二十八日).....	三三一
三八四	楊約誌(大業九年四月二十九日).....	三三六
三八五	宮人豆盧氏誌(大業九年八月二十六日).....	三四一
三八六	張道淵暨妻衛氏誌(大業九年十月二日).....	三四四
三八七	豆盧寔誌(大業九年十月三日).....	三四六
三八八	王鍾葵誌(大業九年十月十二日).....	三五三
三八九	趙朗暨妻孫氏誌(大業九年十月十五日).....	三五六
三九〇	郝提誌(大業九年十月十五日).....	三六一
三九一	席德將誌(大業九年十月十五日).....	三六五
三九二	趙覬暨妻樊氏誌(大業九年十月十五日).....	三六九
三九三	賀叔達妻張客孃誌(大業九年十月二十一日).....	三七三
三九四	張受暨妻李氏誌(大業九年十月二十六日).....	三七五
三九五	張子明誌(大業九年十一月二日).....	三七九

三九六	衛侗誌(大業九年十一月二日)……………	三八二
三九七	郭寵誌(大業九年十一月二日)……………	三八五
三九八	牛諒暨妻喬氏誌(大業九年十一月九日)……………	三九〇
三九九	元惠暨妻吳氏誌(大業九年十一月九日)……………	三九四
四〇〇	徐純暨妻王氏誌(大業九年十一月十六日)……………	三九七

卒葬時間 大業五年（公元六〇九）十一月三日葬。

行款書體 誌文正面一七行，背面一六行，行均三一字，正書。

誌文標題 前陳散騎侍郎劉府君墓銘并序。

形制紋飾 誌石長七六點六、寬三五釐米，圓首方趺。

出土時地 清光緒三十二年（公元一九〇六）夏廣東番禺縣潭村出土。

存佚狀況 一九一一年王雪澂載至上海，曾歸成都王秉恩、香山甘氏、南海曹氏，今流失國外。

主要著錄

慕汲軒誌石文錄續編頁一二；循園金石文字跋尾卷下頁六；奇觚廬文集卷中；廣州新出土隋碑三種考；華陽縣志卷三一金石志頁一四上；漢魏南北朝墓誌集釋卷八頁九五上、圖四三五；夢碧簃石言卷二頁一九；增補校碑隨筆四六一頁；碑帖敘錄二二八頁；北京圖書館藏中國歷代石刻拓本彙編一〇冊二九頁；隋唐五代墓誌彙編北京卷附遼寧卷一冊二三頁；石刻題跋索引一五六頁；六朝墓誌檢要三二七頁；碑帖鑒定二二四頁。

誌文

前陳散騎侍郎劉府君墓銘并序

君諱猛進，字威□，彭城綏興里人，漢楚元王文之後也。肇洪源於陶唐，顯著姓以季高。十尺八綵之德，指草屈莖之瑞。大小盈縮之祥，虹胎虬孕；亡兮戎刃之災，天福所持。豈有直門之難，斯乃玄祐之徵，非囂夫能測應□之妙理也。祖曉，少集經學，士籍俱服。內解發□，丹府水辯，出乎情舍。仁德虞翻，未竝孝悌，益黽豈儔。志性恬淡，澹□寂□，窮搜五典，極研十教，□茲虛靜，畢顯生年，不尚世榮，垢焉祿位。遂以先基景業，罕得自潛，三辟六徵，讞殲亡請。乃以梁天監二年癸未七月廿五日除通直散騎常侍、寧遠將軍、桂陽太守。□□三稔，獸知報澤，禽識人恩。霍顯之謀，不行於杯杓；荆軻之變，帷幄

□興。害蠱亡蹤，鳥徙潛影。木生連里，畎秀嘉菜。巷出葳蕤，衢舒紫兌，懽謳溢陌，祺誦盈阡。僉簡厥徵，如從海運。耆少輟寢，氓吏路眠。棘甚喪親，悲深逝子。長幼相携，俱趨象魏，請以永留，長爲氓父。天從民欲，抑守桂邦。遂經九載，乃值辰佐□并，六三禍集，薨于桂陽之任，庶民斬經，悲痛喪親。父仕□，以太清元年丁卯七月十六日除邵陵王常侍、宣遠將軍、正階縣令。承聖三年甲戌八月十七日除洪烈將軍、始昌縣令。永定二年戊寅十月廿五日除武毅將軍、歸善縣令。是乃業運所鍾，值龍潛鳳隱，九五之應未寧，七旬之末猶變。壽遷去本，天道上升，綱維綿絕，人倫失統，選司廢序，天府輟徵，辟簡既淪，皇符罷記。遂爵杪位微，絕生平之念；牛衣不□，袞輔陳罕。緘印挂冠，息丹墀之踐。金剛雖缺，不愧淨下轉誌石背面腸；龍淵見疵，猶堪剖驥。

遂焉侍郎齟逢梁季，孩遇分崩，鋒刃爲□，□舒以□，手持干楯，身帶鞬弓，甘心旗旆之先，慕志旌麾之首。望幡取吸，嗤關羽匪人；□江潰□，晒賀齊不勇。齡方二九，壯氣始隆。乃屬陳祚龍興，神州金屋。偃甲息戈，儀秦之志便潛；脫胄解韜，周魯之權仍沒。韓功樊爵，罷冀匪布，王李深勞，永焉亡缺，去武席文，而參清緒。以陳大建四年壬辰十月廿七日除散騎侍郎，非解巾之□，劓麟之刃，用拊鷓雛。甲士屈躬，拊從丙位，一生林□，掩氣蓬閭，決命家園，不欣冠冕。大隋啓業，天庭淤復。開路邈遐，彌淪所覲。大荒之歲，建酉之月，痠瘵忽增，奄從殯殮，春秋五十有五。文武之氣既窮，仁和之行仍平，卽以其年建子之月三日丙寅窆乎南海郡西北朝亭東一里半，墳向良宮，厥名甲寅之墓。山則盤騰宛引，迴首坎鄉。左右相携，前迎後送。平陵坦蕩，來涼吹而進溫風，明庶蕭條，凱票颺颺。慈兒萬慟，魂隨霧而不歸；悌子億悲，魄同雲而永去。哀兮傷兮，乃爲銘曰：

羨乎元族，厥裔彭徐。膺靈啓業，秉璽神書。

傳符永代，獨擅邦除。先根氓主，末葉斯多。

可傷黔宅，□愧皇墟。古今乃異，盈長空無。

瑞扶上紀，凡挾囂愚。昔食九土，今亡賢居。所莅唯守，所宰唯今。五等相仍，無期九命。欽咨散騎，水潔璆輝。州里崇仁，朝敦君子。德儔沮溺，行儕□李。文秀長卿，武該樊噲。獻袂孔臧，林茅哲士。天祿殲淪，歸馬窰里。歲久月長，靡言迴紀。

附錄

慕汲軒誌石文錄續編 頁一二：陳散騎侍郎劉猛進墓銘

正書。兩面刻石，高二尺一寸五分，廣九寸八分，陽面十七行，行卅一字，陰面十六行，行卅一字。廣東。

(誌文從略)

循園金石文字跋尾 卷下頁六：前陳散騎侍郎劉猛進墓銘跋

右誌兩面刻。陽面十七行，陰面十六行，每行三十一字。近年在廣東廉州出土，為仁和王雪澄廉訪

秉思所藏，余轉輾求得拓本。石雖不甚磨泐，而文既詰屈，字多舛誤，逐字斟識，略可卒讀。按誌稱猛進

彭城綏輿里人，漢楚王交之後。誌文輿訛作輿，交訛作文。元和姓纂劉姓彭城下云：漢高弟楚元王交生休侯

富，富生辟強，辟強生陽城侯德，德生向，向生歆。子孫居彭城，分居三里：叢亭、綏輿、安上里。又云綏輿里，宋武帝所承，是猛進尚為宋氏之宗室，而誌中曾未敘及，僅有『先基景業，罕得自潛』之語，豈當時因禪代之際，諱稱前朝之宗屬乎？猛進之祖名曉，任桂陽太守，前後十一載，被徵，則長幼相攜，趨象魏以請留，薨後則庶民斬經若喪親之悲痛，此必有特殊之治績，而梁書良吏傳曾未及之，蓋南荒遼窳，表彰

無人，殊可惜也。誌文有「霍顯之謀，不行於杯杓；荆軻之變，帷幄□興。害藎亡縱，烏徙潛影」等語，似桂陽有變，而劉曉定之於俄頃者。猛進之父仕□，以太清元年七月除邵陵王常侍、宣遠將軍、正階縣令。按梁書邵陵王綸傳天監十三年封邵陵郡王，（中）大同元年出爲鎮東將軍、南徐州刺史，太清二年進位中衛將軍、開府儀同三司，是仕□之除常侍正在邵陵王綸爲南徐州刺史時。隋書地理志南海郡始興縣：「齊曰正階，梁改名焉。」洪齮孫補梁疆域志云：「始興，沈志吳立，梁移治正階縣。」一統志案：齊志始興郡有令階縣。梁書邵陵王綸傳子確，大同二年封正階侯。隋志「始興，齊曰正階，梁改名」，當是齊置令階，尋改正階，梁大同後始移始興縣來治也。今誌稱劉仕□於太清元年爲正階令，是始興移治當在太清以後，此足爲洪氏之說左證矣。平寰宇記始興縣本漢南海縣地，吳置始興縣，梁於此置安遠郡。西七里有蕭齊正階故縣，城存。誌又稱：「承聖三年八月除洪烈將軍、始昌縣令。永定二年十月除武毅將軍、歸善縣令。」按始昌屬藥昌郡，地理志韻編曰今廣東肇慶府四會縣北。歸善屬梁化郡，地理志韻編曰今廣東惠州府歸善縣東北五里。隋書百官志載梁陳官制有寧遠、宣遠、武毅各將軍，惟未載洪烈將軍，據誌可補史之闕。梁制通直騎常侍爲顯職，天監六年革選詔曰：名公之胤，位居納言，曲蒙優禮，方有斯授。陳制散騎侍郎秩千石，今劉曉、劉猛進起家即授此官，自非常例，故疑爲宋代宗室之裔也。誌末有「墳向良宮。厥名甲寅之墓，山則盤騰宛引，迴首坎鄉。左右相攜，前迎後送」云云，然則形家之言，至六朝時已盛行矣。

廣州新出土隋碑三種考：

劉猛進墓銘，光緒三十二年夏番禺縣屬潭村旁鄉人墾地得之。高二尺五寸，廣一尺四寸五分。首圓趾方，左右有垂花紋。無撰書人名氏。文刻於前後兩面。前刻十七行，後刻十六行。字大五分。誌稱「冢乎南海郡西北朝亭東一里半」，案清一統志：「朝亭在廣州府城西十里戩船澳。」宋書羊玄保傳：「泰始四年劉思道攻廣州，刺史羊希遣平越長史鄒琰於朝亭拒戰。」當即此地，後爲西候津亭，明時爲迎送之所。成化中都御史韓雍扁曰華節，與朝臺不同。墓在朝亭之東，與今番禺縣西北境毗連矣。劉猛

進事蹟，無可考。誌言『彭城綏輿里』，南史宋武帝紀『彭城縣綏輿里人』，此爲劉姓族望。彭城今江蘇徐州境。猛進祖曉梁天監二年除寧遠將軍、桂陽太守，父仕□承聖三年除洪烈將軍、始昌縣令。南齊書州郡志廣州有始昌縣，李氏兆洛謂在今四會縣地。是爲猛進父來廣州之始。又於陳永定二年除武毅將軍、歸善縣令。漢尹宙碑『京夏歸德』，左旁作阜。此歸字與漢隸合。歸善縣見隋志。陳書無地理志，據此知歸善置於陳初，足補地志之闕。守令皆兼軍號，亦可考見當時官制。誌有『選司廢序，天府輟徵』等語，當是猛進父罷官流寓廣州。猛進仕陳，太建初爲散騎侍郎，階從五品，無定員無祿。誌稱『掩景蓬閭，不欣冠冕。大隋啓業，彌淪所覲』，是入隋不仕。卒於隋初，未著何年。惟『大荒之歲』，爾雅釋天『在巳曰大荒落』，是隋開皇十七年丁巳也。嶺南隋以前碑版極罕。此刻原石近流轉至滬上，爲香山甘氏所藏，拓本不多見矣。

華陽縣志 卷三一金石志頁一四上：劉猛進墓銘

正書。廣州出土。華陽王氏所藏。

（誌文從略）

葉昌熾奇觚廬文集劉猛進墓銘跋：前陳散騎侍郎劉府君墓銘，廣州新出土。辛亥國變，王雪澂廉訪攜以壓海舶，載至滬。癸丑客次，出打本一通見餉。其石分兩面刻，面各十六行，行三十一字。字小而適密，與寧贇碑文字如出一家。但有奪字，並多省筆，聱牙難讀。按文云：『猛進，彭城綏輿里人，楚元王文之後。』文字自爲交之駁文。彭城雖通爲郡望，然考梁書諸劉，劉孝綽、劉苞、劉慧斐諸傳云『彭城人也』，而劉孺傳則云『彭城安上里』人，此銘既書郡又書里，書法正與孺傳同。蓋自其祖父宦轍由郢而越，遭世多難，乖首邱之願，詳書里貫，不忘先河之義也。自起家以逮除授，備書年月日，此他誌石所無者。『祖曉，以梁天監二年癸未七月廿五日除通直散騎常侍、寧遠將軍、桂陽太守』，其下云：『遂經九載，值辰作殃，集苑於桂陽之任。』以甲子推之，梁武帝天監十一年歲在壬辰，其卒年也。桂陽爲隋之郴

州。考之隋書地理志：『桂陽郡平陳置郴州，大業初復置郡。』梁書武帝紀：『帝即位追封弟融爲桂陽郡王。』又桂陽嗣王象傳：『叔父融無子，天監元年以象爲嗣襲封。』曉守郡即在其後一年。如誌所言，在任九年不爲不久，民安其政，去而見思，錄其循良，良非溢美，而姚察不登於良吏。非有此石，曷補史闕。六朝軍號，猶唐宋之有散階，統施於文武。據隋書百官志梁初奏置一百二十五號將軍，共二十四班，以班多爲貴。此銘寧遠、宣遠、洪烈、武毅共四號，寧遠爲十三班，武毅爲六班。初無宣遠，其後更加刊正，大通三年移寧遠別爲一班，遂增宣遠、振遠等號，武毅亦列爲十武之一號，威武、猛壯等號，號有十字，各爲一班。均非舊制矣。惟無洪烈。梁陳之間，江表鼎沸，置君置官，皆如弈棋，朝令者夕或改，宜史之不詳也。『父仕□』，仕下一字泐。『以太清元年七月十六日除邵陵王常侍正階縣令。』邵陵王，武帝子綸也。正階，隋之始興縣。隋書地理志始興下注云：『齊曰正階，梁改名焉。』以據此誌，正階之名梁沿齊舊，太清之前初未嘗改，大寶以後救亡不暇，隋志所言，殆未可信。銘又云：『承聖三年甲戌八月十七日除始昌縣令，永定二年戊寅十月廿五日除歸善縣令。』承聖尚在梁末，永定已入陳初，始昌隋并入四會。歸善帶龍川郡，均見地理志即今惠州也。猛進以太建四年壬辰十月廿七日除散騎侍郎。綜厥生平，『齷逢梁季，孩遇分崩』，臺城江陵之難也。『歲丑之災』，當謂歐陽紇之叛。隋初韋洸度嶺，即陳亡之歲。是歲值己酉，非丑也。蕭毅、蕭勃兩次兵禍，考其時更參差不合。按陳書歐陽頎傳：『子紇，都督交廣等十九州諸軍事廣州刺史，久在南服。高宗太建元年下詔徵紇，紇懼舉兵，戰敗伏誅。』又按廢帝紀慈訓太后詔書數帝罪，有云『別敕歐陽紇等攻逼衡州，嶺表紛紜。』光大之末，太建初元，正當子丑之際。嶺外兵興，越民塗炭，非其時乎？此誌所謂災也。其歿在大荒之歲建酉之月。釋天：『太歲在巳曰大荒落。』隋高祖開皇五年值乙巳，其時尚未平陳，嶺外州郡非隋有，誌文不當稱大隋，自當爲十七年丁巳無可疑者。梁陳皆書紀元，而於隋年獨變文書甲子。陳亡未久，喬木世家猶有故君故國之思。既曰『決命家園，不欣冠冕』，言乎其不爲隋臣也。又曰『開路邈遐，彌綸所覲』，言乎其尚非隋土也。篇中雖曰大隋，標題特書前

陳，其義尤微而可見。不先不後，出於滄桑之交，千載之下，摩挲貞石，有同感焉。陳祚不永，又嚴碑禁，海內石刻，希見著錄。此石在寧贊碑前，雖為隋刻，未忘陳志，巍然片碣，不與光大定界碑同為瓌寶也哉。又按其文比物連類，固見當時風氣，然有難於索解者。即如『雁門牛哀』，未為僻典，而其意則不可得詳也。『劔麟之刃，用枿鳩雛』，自是牛刀割雞之義，然猛進實未嘗從政。『甲士』、『丙位』，甲丙當第其高下，言位不副才也。『望播取吸』，播，俗播字，吸當為首級之級。此用關侯白馬斬顏良事，傳所謂『望見良麾蓋，策馬刺良於萬眾之中』是也。『非人非勇』，人仁同字。論語『仁者必有勇』，反文以見義。『屈莖』之莖或是莖。此四句述降生之祥，然則『屈莖』猶言『屈軼』。『嘉禾』增艸，『紫莖』去艸，皆俗字。『棋誦』與『權謳』對文，或以同音，或借棋為祈。此類非一，略舉其隅，其所未詳，不敢曲說。按原跋曾載入顧氏石言，字句有不同處，此從辛酉間自刊定本。

金石學錄續補：王秉恩，四川華陽人，廣東提法司得前陳散騎侍郎劉猛進墓誌，乃廣州出土者。考為隋開皇十七年所刻，又藏隋徐智竦墓誌亦精。

古石抱守錄：陳劉猛進墓誌，廣州白雲山出土。

華陽雜俎：劉猛進墓銘，庚戌之際廣州出土，為王雪翁所得，次年至滬始傳搨墨於四方，其制如碑，兩面刻之，陽面迄『不愧魚』，陰面起『腸』字，凡三十三行，行三十一字，別異字觸目皆是，綏與楚文，類多壞體，集菀歲丑，未免費詞，蓋審辨之不易也。如此尋數所及，曾加識別，比於數家，不無異同，雖往往在疑似間，輒亦時有一二甚確之創獲，石而無恙，佗日來歸，猶當細為討論云。

漢魏南北朝墓誌集釋 卷八頁九五上：劉猛進墓誌並陰大業五年十一月三日

誌高七六點七釐米，廣三五釐米。十七行，陰十六行，行俱三十一字。正書。出番禺。圓首方跌，如古碑之式，絕似大業八年徐智竦墓誌。嶺南古風未泯，可於此二誌見之。誌稱：『大業之歲，建酉之月，痲瘵忽增，奄從殯殮。』又稱：『即以其年建子之月，三日丙寅，窆乎南海郡西北朝亭。』考大業五年四